

ydirmenlichin irholen, doczu er dy hulffe dulden wil in allir masz, ab es irstandin und irclait wer. Actum sabbato ante exaudi.

### 1023.

(1457) Juni 25

#### ***Korner aus Kroszin und Andreas Kolbe einigen sich über ein Erbe.***

*fol. 191v* Actum sabbato post Johannis Baptiste sint in der fruntlichkeit beteidingit Korner von Kroszin uff eyne<sup>a)</sup> und Andres Kolbe uff dy andir syten umbe 6 ß gr, dy Korner und seyn gewister von seyns bruders seligen kinde uff sy anirstorbin ist, also daz Andres Kolbe Korner, synen swagir, von sulchem golde reichin und bezalen sal drey ß gr der eldisten were und sal oin daz reichin und bezalen eyn ß gr uff Michaelis dy weichfastin schirsten komende, 1 ß gr uff dy weichfasten nativitatis Christi und 1 ß gr uff dy weichfasten in der vasten sulchir muncz, als er enphangen hat, ye 15 d vor 2 gr. Und Korner sal vor andere syne gewistere und frunde, dy gerechtikeit doran vormeynten czu haben, eyne gewere seyn, ab Andres Kolbe von ymande angelangit und beteidingit wurde, daz er õn des schadinlosz halten und benemen wil und alle sachin czwischin õn umbe sulchis anirstorben gutis sullen gericht und gesunet seyn.

*a) folgt durchgestrichen und*

### 1024.

(1457) September 1

#### ***Gerichtlicher Vergleich über das väterliche Erbe von Bartel Kuchler.***

*fol. 191v-192r* Actum am donirstag Egidii habin wir rathmanne, voit und schephen in der gutlichkeit geteidingit czwischin Bartil Kuchler uff eyne und Paul Apt, synen swager, uff dy andir syten umbe czwitracht und irnuscz, dy Partil Kuchler umbe seyn vetirlich anirstorben gerechtikeit czu Paul Apten, synen swager, gehabt, daz er biszher ynnen gehabt und gebrucht hat, dy denne nach schulden und antwurten ir sachin czu entscheiden uff uns als ire uszirwelten schidisrichter mechtiklichin gegangen sint. Also daz Paul Apt Bartil Kuchler, synen swagir, vor syne anirstorben gerechtikeit am husze, agkir, garten und dy farinden habe reichen sal 200 und 58 alde ß vorgeslaginer aldir gr je 15 d vor 2 nuwe gr uff tagzeit, eyn dritteil uff Walpurgis schirsten komende, eyn driteil uff nativitatis Marie nest dornach folginde und eyn driteil uff weinachten allis noch \ noch<sup>a)</sup> eynandir folginde und Paul Aptis guter sullen Bartil phant seyn inmaszen er oin daz vor czu phande eyngesaczt hat bisz solange daz er sulchir schuld bezalt und uszgericht ist und waz er oin in synen unmundigen jaren czu synir wanderung addir cleidung gegeben hatte, sal ab seyn, und Paul Aptes sal<sup>b)</sup>